

pite peruncto, nutrit capillum, alopecias replet. A
Dioscorides & Matthiolus.

De corticibus radicem calidis.

CAPPARIS cortex amarus, acer, acerbus,
* abstergit, purgat, incidit, digerit, adstringit: ob
quas vires lienem induratum, & coxarum af-
fectus adjuvat, tum intro assumptus, tum extrin-
secus, tum idoneis remedijs admotus.

De corticibus radicem frigidis.

MANDRAGORÆ radix delibratur, & tra-
jectus lino cortex ad usum suspenditur. * Vinum,
in quo cortex fuerit infusus, valet in pervigilijs
& doloribus, & ante sectiones, ustionesque; ne
sentiantur. Dioscorides.

De corticibus purgantibus bilem.


ESULÆ cortex * educit phlegma vehemen-

ter, & aquam citrinam, & humores melancholi-
cos, & materias à juncturis. Dosis est à siliquis
duabus usque ad septem.

CUCUMERIS sylvestris cortex * purgat
potenter pituitam vomitu & dejectione, & in-
terdum bilem, si vacuari parata est: serosum quo-
que excrementum, etiam evulsi contumax, at-
que adeo à juncturis mirifice trahit, ob id earum
dolores sanat, ischiadem etiam juvat aperte ca-
taplasmate impositus, vel clystere injectus. Do-
sis est à granis quindecim ad drachmam semif-
sem. Mejus.

SAMBUCI cortex idem præstat, quod Sam-
bucus ipsa: * nec non pituitam crassam & vi-
scosam purgat. Ebuli cortex eandem vim
cum sambuci cortice
habet.

DE SUCCIS, Sectio XV.



De succis temperatis herbarum.

BETÆ succus recens parari potest: fit foliis viridibus tritis atque exprellis. * Discutit, detergit, & per nates purgat: summatim omnia præstat, quæ herba ipsa.

BUGLOSSÆ succus agrè exprimitur: parva coctione & residentia, purgatur ante repositionem: in vase pleno, vel oleo superfuso reponitur. * Confirmare & exhilarare dicitur.

De herbarum succis calidis in primo.

ASSINTHII succus fit in Vere vel autumno, foliis tritis atque exprellis, deinde parva coctione & residentia purgatur ante repositionem: in vase angustioris, superfuso oleo digiti crassitudine, vel in vesica inspissatus: servatur per annum. * Succus differt ab herba: hæc enim adstringit: ille verò magis aquosus detergit.

BRASSICÆ succus fit recens, ut Betæ. * Vim habet purgatoriâ: coctus cum melle, linctu convenit arteriæ.

De herbarum succis calidis in secundo.

APII succus adservatur expressus hœdus superaffuso oleo, in vase vitreo angustioris. * Obstructiones aperit: menses & urinas movet.

CALAMINTHÆ succus eodem modo, quo apii, paratur, & conservatur. * Ad anhelationem, tussim antiquam, frigidam viscerum intemperiem: & hœnolis cum lactecharo coctus exhibetur. *Andernacius.*

ECHII succus fit addita aqua, aut alto liquore illi facultatibus simili, inter terendum, & expressione extrahitur, conservaturque, ut abinthii. * Confortat atque exhilarat.

LUPULI succus mense Aprili extrahitur, & conservatur, ut apii. * Sanguinem purgat: obstructions viscerum aperit: febribus copiosis confert.

MENTHÆ succus eodẽ modo, quo apii succus, extrahitur, conservaturque. * Ventriculum frigidum corroborat: nauzeam & vomitum sedat.

RUTÆ succus eodem modo paratur. * Humores lentos incidit, digerit, si, cat. aperit: idque magis quam herba ipsa acida. *Andernacius.*

SCORBI succus compositionibus additur: quia purgat viscera, obstructions aperit, urinas & mensurâ citat: extrahitur & conservatur, ut apii succus. *Andernacius.*

De herbarum succis calidis in tertio.

CHELIDONIÆ succus foliis, caule, radice exprimitur ineunte æstate: servatur, ut apii, vel in umbra siccat, & in pastillos digeritur. * Oculis claritatem affert. *Discoiides.*

De succis herbarum frigidis in primo.

FUMARIÆ succus mense Aprili vel Majo exprimitur, servaturque in vase vitreo angustioris, oleo superaffuso. * Melancholiam, & serosa excrementa purgat.

INTYBI succus Vere exprimitur, foliis ac radicibus tritis: servatur in vitreo vase otis angustiori, superaffuso oleo, digiti crassitudine. * Ad jecoris calorem immoderatum valet.

A ROSARUM succus mense Majo, vel principio Junii exprimitur foliis tritis: asservatur liquidus superaffuso oleo, quod, tempore usus, lana bombacea auferatur. * Ventrem laxat, stomachum roborat: jecoris calorem extinguit.

VIOLARUM Martio vel Aprili exprimitur, servaturque, ut rosarum. * Bilis acrimoniam lenit: thoracis affectus calidos restinguit.

De succis herbarum frigidis in secundo.

ACETOSÆ succus simili modo extrahitur & servatur, ut rosarum. * Ad febres biliosas, & obstructions viscerum valet.

COTYLEDONIS succus æstuantis ventriculo commode imponitur: item ad erysipelata conducit: exprimitur & servatur, ut rosarum. *Andernacius.*

LACTUCÆ succus * ad stomachum biliosum valet: ardorem restinguit: somnum provocat. Ut rosarum extrahitur, conservaturque.

PLANTAGINIS succus * astringit, refrigerat, omnem calorem præter naturam extinguit. Exprimitur & conservatur, ut rosarum.

SOLANI hortensis succus * ad refrigerandum & astringendum utilis est. Extrahitur & conservatur ut præcedens.

De succis herbarum frigidis in tertio.

CICERBITÆ succus stomachi rosiones lenit, & lactis copiam mulieribus suppeditat. Paratur & conservatur, ut rosarum.

PORTULACÆ succus æstate exprimitur, affusa aqua inter terendum, ut expressione unâ cum ipso humore extrahatur: aut tusa calatho imponitur loco frigido, ut paulatim succus in subjectum catinum distillet: deinde servatur, ut rosarum. * Pueris, quos vermes & febris infestant, magno commodo exhibetur.

SEMPERVIVI succus eodem conficitur modo, quo portulacæ succus: * ad erysipelata, herpes, inflammationes à fluxione ortas accommodatur.

De succis herbarum frigidis in quarto.

PAPAVERIS nigri succus, seu meconium, fit ex foliis, caulibus, herbaque ipsa tritis expressisque, ac in pastillos redactus. * Reliquorum medicamentorum vim obrundit, quando eis admisceatur.

POLYGONI succus cum septem granis pipæris ante accessionem quartanæ haustus, eam abolet. Sed aptus, colligendam esse plantam, & exprimeandum ejus succum die Jovis, Luna decrecente. *Ex quodam lib. Secretorum.*

HUMOR in folliculis ulmi nascens faciem reddit gratissimam & perpolitam, si eo detergetur. Confert etiam mirum in modum pueris enterocœlicis, duplicatis linteolis in illo madefectis, & sub perizemate, seu femorili coaptatis. *A quodam Chirurgo.*

De succis fructuum calidis.

MALORUM dulcium succus fit contulis & expressis, deinde saccharo conditus servatur ad usum. * Cor imbecillum roborat.

De succis fructuum frigidis.

CITONIORUM succus extrahitur, ut Citriorum: conservatur autem, ut rosarum. * Adversus biliosa alvi profluvia ex melle vel saccharo valet: ventriculum roborat.

MALORUM PUNICORUM succus * calidam intemperiem corrigit: vomitum compescit: & stomachum firmat. Fit, ut malorum dulcium.

BERBERORUM succus * vomitum ac fluxionem alvi sistit: saccharo conditus, conclususque cotoneari modo delicatus est: contra capitis de-

fluxiones calidas accommodatus. *Andernacus.*
RIBES, succus frigidus, acidus & acerbus est, * sitim extinguit. Contra sitim in febribus ardentibus cum Julapio rosaceo, aut violaceo potissimum exhibetur: nec non ad biliosum vomitum coercendum, fluxoremque stomachicum re-

A stringendum: sed frigidis, & pectoris angustis aduersatur. *Andernacus.*

De succis seminum calidis.

LINI cremor fit, aqua seminibus prius maceratis, deinde in eadem coctis, expressisque. * Dolores ex acri humore ortos mitigat, inflammationesq; partium corporis lenit. *Andernacus.*

FENIGRACI cremor simili modo ac lini cremor conficitur. * Inflammationes minus calidas, sed duras magis sanat, magnas irritat & auget. *Andernacus.*

De succis seminum frigidis.

PSYLLII cremor * omnibus membris ardore infestatis auxiliatur: eoq; refrigerantibus medicinis convenit. Eodem modo, quo lini cremor, paratur. *Andernacus.*

DE LIQUORIBUS, Sectio XVI.

LIQUOR est, qui incisa, vel scarificata, aut terebrata plantae alicujus parte extillat, sive emanat. Liquores autem vel sunt

